

Divulgasão: Kel dokumentu li é só pa da informasão y pa dizenvolvimentu di política. El é ka un diklarasão jurídiku vinkulativu. Kontiúdu des dokumentu pode ser alteradu di akordu ku kritériu di Gabinete Izekutivu di Saúde y Sirvisu Umanu (EOHHS). Dizisão pulítiku final ta stabelesedu di akordu ku regulamentus di MassHealth y di orientason sub-regulamentar.

Xamada Trimestral pa Menbrus y Famílias di Jestão di Kazu Kumunitáriu

AJÉNDA

Asuntu	Oráriu
Atualizasão sobri tudu midjoria na Prestasão di Sirbisu di CSN	12:30 – 01:00 di tardi
Riasão di Menbrus y Famílias di CCM	01:00 – 02:00 di tardi

Riasão y Konpanhamentu di Menbru y Família di CCM

1. Programa pa Asistenti di Kuidadus Konpléksu (CCA)

Famílias di CCM purgunta si MassHealth ten dadus sobri razão ki maioria di CCA é menbrus di família y si é asin pur opsão o si é pur falta di infermerus. Famílias di CCM manifesta ses priokupasão na kazu di razão ser falta di infermerus, então programa sta ta transfiri es trabadju di kuidadus pa pais y asin ka priokupa ku ranja más infermerus pa trabadja na kaza.

Risposta di OLTSS: MassHealth ka ten nes mumentu dadus ki ta splika pamódi ki maior parti di CCA é menbrus di família. A partir di verão di 2025, MassHealth sta ben rakodje dadus kualitativu atavés di entrivistas ku família pa konprende midjor kal ki é spriensia di famílias ku sirbisus. Sirbisus di CCA ka ta substitui kes di CSN má el ten un sobrepuzisão mínimu entri es dos sirbisu.

Famílias di CCM purgunta sobri izijências pa formasão di CCA y si kes 85 óra di formasão ki ta izijidu ka é razão pamódi ka ten más CCA ki ka é menbru di família. Famílias purgunta si ka ten ninhun otu instrumentu pa konpanha kuza ki otus ajénsia sa ta iziji pa formasão pa bira kel prusésu más fasi pa famílias y pa kes ki kre bira CCA.

Risposta di OLTSS: Kantu ta kriada sirbisus di CCA na verão di 2023, txeu ajénsia di CSN informa ma es ta paga CCA inkuantu es ta sta ta konpleta kel formasão di 85 óra. MassHealth ten kunhisimentu ma alguns fornecedor ta primiti menbrus di família toma testi di avaliasão di ses konpetensia in ves di kel 85 óra di treinu. MassHealth sta ta djobe kria un instrumentu di konpanhamentu pa rikizitus di ajénsia di formasão.

Famílias di CCM purgunta sobri situasão di un opsão fleksível di CSN pa CCA.

Risposta di OLTSS: Nes mumentu li, MassHealth ka sta ta djobe kopia opsão di PSA pa CCA má e sta investiga un opsão através di un sistema legadu. MassHealth ta kontinua ta prokura un manera pa midjor investiga utilizasão através di sirbisus. Akonpanhamentu di opsão CSN y PCA ten stadu ta ser un dizafiu pamódi nu meste trabadja através di intermediáriu fiskal di PCA, Tempus, y kronograma ta kontinua ta adiadu pamódi rikursus di PCA. Atualmente kel trabadju adiadu pa fin di es anu. Un bes ki difinidu un prusésu, nu ta ben meste aprovasão di dresão superior pa prokura un opsão fleksível di CCA.

Famílias di CCM purgunta si pai ku mõi pode kobra kómu CCA ó ajudanti di saúde na kaza, inkuantu ses fidju sta na ospital y si nu ta pode pensa na kes opsão ki ta primiti kel li.

Divulgasão: Kel dokumentu li é só pa da informasão y pa dizenvolvimentu di política. El é ka un diklarasão jurídiku vinkulativu. Kontiúdu des dokumentu pode ser alteradu di akordu ku kritériu di Gabinete Izekutivu di Saúde y Sirvisu Umanu (EOHHS). Dizisão pulítiku final ta stabelesedu di akordu ku regulamentus di MassHealth y di orientason sub-regulamentar.

Risposta di OLTSS: Lei Federal ka ta primiti MassHealth paga assisténsia di saúde dumisiliáriu y CCA, na kazu ki duenti sta internadu.

Famílias di CCM pergunta si ten un sforsu pa liga infermerus ki sta na formasão ku famílias ki ka ten posibilidadi di ten kes óra konplétu di kuidadus di un infermeru y si es ta podeba komensa ta trabadja na kaza di famílias kómu CCA, inkuantu es sta ta studa.

Risposta di OLTSS: MassHealth sta ta trabadja ku tudu dilijénsia ku infermerus ki sta inda ta studa através di prizentasão na skóla di infermajen y e ta pode konsidera dextra studentis sabe sobri oportunidades di ser CCA. MassHealth ka ta pode liga studentis di infermajen diretamente ku famílias di CCM.

Famílias di CCM pergunta si alguns ajénsia sa ta rekruta algen ki ka é menbru di família di CCA.

Risposta di OLTSS: MassHealth pode pergunta ajénsias di CSN si es ta rekruta menbru ki é ka di família di CCA.

Famílias di CCM pergunta si un menbru ten 14 óra di PCA pa semana durante noti (2 óra/noti), pamódi kes óra ka pode ser pasádu pa CCA.

Risposta di OLTSS: Kantu ki kes óra di noti di PCA é otorizadu, kel avaliador ta buska kalker trabadju ki pode ser fetu entri meia-noti y 6 di palmanhan y si é un trabadju ki ta dura ménus ki dos óra identifikadu, ta otorizadu un míninu di dos óra. Programa di PCA rodonda pa mínimu di dos óra y programa di CCA ka ten kel mesmu fleksibilidadi.

Famílias di CCM pergunta si ten un manera di liga infermerus formadu na Nightingale ku famílias ki sta ta entra na sirbibus di CSN.

Risposta di OLTSS: Nightingale's Northern Nest (NNN) sta nes mumentu ta trabadja ku infermerus ki sta ta forma pa djuda-s garanti enpregu nun ajénsia di CSN o kandidata komu infermeru independenti. Kel li ta kontinua te ki programa finda dia 30 di Junhu di 2025. NNN kumunika ku famílias y dja manda-s ses informasão, info@nightingalesnorthernnest.com, pa asin famílias kontakta direktamenti ku es y pidi pa familia informa sobri ses lokalizasão, óra ki es ta stabelese kontaktu.

2. Orsamentu di programa di CSN

Famílias di CCM pergunta kumó ki dinheru ta ser orsamentadu pa kes óra ki otorizadu na programa di CSN.

Risposta di OLTSS: Dispézas di MassHealth pa tudu sirbisu é, primeramenti, di akordu ku inskrisão (nunbru di menbrus, akuidadi), utilizasão y taxas. Kes prujésão ta fazedu baziadu na spriensia di pasadu, ta justadu konformi taxa previstu y mudansas di pulítika. MassHealth sta ta ilabora un folha di orsamentu pa partidja ku menbrus y famílias di CCM pa splika situasão di prusésu di orsamentu di stadu.

Famílias di CCM pergunta sobri pusível inpaktu di nobu diministrasão federal y prupósta di korta Medicaid, na orsamentu di MassHealth y CSN.

Divulgasão: Kel dokumentu li é só pa da informasão y pa dizenvolvimentu di política. El é ka un diklarasão jurídiku vinkulativu. Kontiúdu des dokumentu pode ser alteradu di akordu ku kritériu di Gabinete Izekutivu di Saúde y Sirvisu Umanu (EOHHS). Dizisão pulítiku final ta stabelesedu di akordu ku regulamentus di MassHealth y di orientason sub-regulamentar.

Risposta di OLTSS: MassHealth sta ta sigi di pértu kes mudansa na guvernu federal. Te gósi, MassHealth ka resebe ninhun diretris spesífiku sobri prugramas o sirbisus. Si MassHealth resebe algun diretris, nu ta analiza-s dretu y no ta kumunika kes inpaktu pa nos menbru.

3. Diretóriu di Infermerus di CCM

Família di CCM partidja difikuldadi na uzu di es diretóriu inkluindu infermerus ku perfil inkonplétu, na marka tudu o ninhun itens na lista di konpetensia di infermerus di CSN y na ixsésu di enviu di mensajens pa família.

Risposta di OLTSS: MassHealth ta pidi famílias pa kontinua ta partidja ses riasão sobri Diretóriu di Infermerus di CCM. Si nhos dipara ku algun probléma ku algun infermeru o perfil di infermeru na Diretóriu, pur favor nhos kontakta CCM na CSNAccessSupport@umassmed.edu pa es pode rezolve kel probléma ku kel infermeru. MassHealth sta ta trabadja di pértu ku Ikipa di Sulusão Dijital pa faze midjorias na Diretóriu, inkluindu faze kel seksão di konpetensia di infermeru di CSN obrigatóriu. Di li pa danti, si un Infermeru Indipendenti o di Ajénsia ka konpleta kel seksão obrigatóriu na perfil di infermeru, ses perfil ka ta ser aprovalu. MassHealth ta pidi famílias ki ka sta inda inskrito na diretóriu di infermeru pa es inskreve. Ten un manera di ativa o dizativa nhos perfil ki ta da-nhos fleksibildadi di prokura kandu nhos meste.

4. Idratasão IV (intravenozu) Móvel

Famílias di CCM purgunta si MassHealth ta pode fazeba kel idratasão intravenozu móvel asesível pa menbrus di CCM. Ta serba bon ten un sistema ki ta fasilitaba aplikasão di idratasão intravenozu PRN óra ki menbrus sta duenti o dizidratadu pa ivita bai banku di urjénsia. Atualmenti, kes menbru ta paga pa kes sirvisu ku ses dinheru.

Risposta di OLTSS: MassHealth sta ta analiza internamenti solusão pusível pa kel probléma djuntu ku kolégas médiku.

5. Ikipamentu Médiku di Longu Durasão

Famílias di CCM purgunta undi famílias pode inkontra kes seringas Enfit y adaptadoris di fraskus pa líkidus y es partidja problémas na inkontra kes material na farmásia y inda ter ki paga ku ses dinheru pa más material.

Risposta di OLTSS: Famílias deve kontakta ses Jestor Klíniku di CCM pa ajuda konsigi kes material.

6. Taxas di CSN

Famílias di CSN purgunta si tevi algun diskusão más sobri inkluzão di un transferensia di fundus di saláriu relasionadu ku resenti omentu di taxa di CSN.

Risposta di OLTSS: MassHealth ta kumesa rivizão di taxa di sirbisu di CSN na Maiu di 2025, undi kalker ajustamentu di taxa programadu ka ta entra en vigor antis di Agostu di 2026. MassHealth sta atualmenti ta faze rivizão di dadus di saláriu di infermeru y na poku tenpu el

Divulgasão: Kel dokumentu li é só pa da informasão y pa dizenvolvimentu di política. El é ka un diklarasão jurídiku vinkulativu. Kontiúdu des dokumentu pode ser alteradu di akordu ku kritériu di Gabinete Izekutivu di Saúde y Sirvisu Umanu (EOHHS). Dizisão pulítiku final ta stabelesedu di akordu ku regulamentus di MassHealth y di orientason sub-regulamentar.

ta sta ta kolabora ku Konsehu Konsultivu y otus parti relevanti interesadu pa ditirmina nisidadi di un transferensia di fundus pa salário di CSN.

Famílias di CCM kexa ma ospeda infermerus na kaza ta kria difikuldadi finanseru pa famílias pamódi omentu di uzu di kuzas di kaza, iletrisidadi, água, stragu na kaza y otus. Famílias purgunta si pudia tenba un tipu di subsídiu dispunivel pa famílias konpensa kel li.

Rispósta di OLTSS: MassHealth ka ta pode faze kes tipu di pagamentu li. MassHealth sta ta djunta otus tipu di rikursu finanseru ki pode sta dispunível pa famílias y el ta ben po kes rikursu na pájina di website di CCM na [mass.gov](https://www.mass.gov). Nu ta aviza famílias óra ki kes rikursu sta postu.